



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLXXVII. ad annum DXC.

Parisiis, 1644

Epistola XLVII. Gregorii Papae I. Ad Pavlinvm, Procvlvm, &c.

urn:nbn:de:hbz:466:1-15221

cum prædictis fratribus nostris subtiliter diligenterque significet, ut renuntiatione vestra redditi certiores, quid fieri debeat decernamus.

EPISTOLA XLVII.

GREGORII PAPÆ I.

AD PAVLINVM, PROCVLVM, &c.

*Gregorius Paulino episcopo Taurenſi, Proculo episcopo Nicoteræ,
Palumbo episcopo Consentiae, Venario episcopo Vinomenſi,
Marciano episcopo Locrenſi.*

CLERVS ecclesiae Regitanæ multa contra reuerendissimum fratrem nostrum Bonifacium episcopum suum data nobis petitione conquestus est, petens ut ad nos debuiffet habere veniendi licentiam, quatenus causæ ipsæ subtiliter probarentur. Sed quia nos interim prædictum fratrem nostrum huc modo non præuidimus deducendum, visum nobis est, illic personam deputare ad causam eamdem cognoscendam: & ideo mediis sacrosanctis euangeliiis, fraternalitas vestra vna cum Sabino diacono resideat: &, sicut officio est sacerdotali conueniens, sine cuiusquam personæ respectu, & cetera ut supra.

EPISTOLA XLVIII.

GREGORII PAPÆ I.

AD ANASTASIVM EPISCOPVM ANTIOCHENVM.

De cura pastorali. De eo quod non rectæ fidei homines ad facros ordines minime prouehi debeant. Et de corrupta Synodo Ephesina ab hereticis. Et de damnatione Pelagii & Cœlestii.

Gregorius Anastasio episcopo Antiocheno.

FRATERNITATIS tuæ scripta suscepi, professionem fidei recte seruantia: magnasque omnipotenti Deo gratias retuli, quod & immutatis gregis sui pastoribus fidem quam semel sanctis patribus tradidit, etiam eam post eos immutabilem custodit. Prædicator autem egrius dicit: *Fundamentum aliud nemo potest ponere præter id quod possum est, quod est Christus Iesus. Quisquis ergo cum dile-*